

te mea tika, kia oti te pure ka aere ei na te au ngutuare, ka tika ia, no te mea, tera te tangata tei te ngutuare.

2. No te taeake maki i nga oire katoa. Kia maki tetai taeake i tetai oire, e maki maata roa, kua vaitata ki te mate, ka tika ia kia aere te tangata i te ra sabati kare te tangata ke ua e aere, ko te taeake tikai o taua tangata maki ra te aere, e oroenua tona, ka tika ia kia akaoro i te ra sabati tokorua ua tangata e tika kia aere i taua sabati ra, auraka e takiaata ua, kare e tika, Mei te mea e, e maki mate, auraka te tangata e tari kopekope i taua ra sabati ra, e ngari ake kia tuku ki te po ka aere ei.

3. No te ara ngaa i te uriia i te sabati. Kia ngaa te are i te uriia i te ra sabati ka tika ia kia akatuia i te ra sabati.

4. No te puaka mate i te ra sabati. Kiamate te puaka i te ra sabati, ka tika te reira kia ta'unaia i te ra sabati, e kia maoo, ka kai kia pou takiri.

5. No te vaka panu i te sabati. Kia panu te vaka i te ra sabati, ka tiki ka aru kia rauka.

6. No te aerenga tae mai mei te moana i te ra sabati. Kai aere mai tetai tangata i te sabati mei te moana mai, e kare e kai i toou kainga, ka ta'u koe i te kai i taua sabati ra, no taua aerenga tangata ra.

7. No te kave vai i te sabati. Kai pou te vai i kaveia i te maanakai, e kia kaki vai koe i te sabati, ka tika ia kia kave.

8. No te au akava. Ko te au akava ua te tika kia aere i te ra sabati.

9. No te pai tae i te sabati. Kia kitea mai te pai i te ra sabati, ko te poti ua ake te aere ki tai e atoro, ka taoi i ta ratou kai e te vai, ka mate aea ratou i te pongi e te kaki vai.

10. No te pai onge. Kai aere mai tetai pai onge ki te enua nei, e kare e kai i roto i te makete, ma tea au ngutuare katoa, ka tika te kai kai raveia i te sabati i reira, kareka te kumara, e 2 ake paero, e meika ra, e nu ra, na ratou e akakite mai i ta ratou kai e kaki, e kai kore e vai, ka utui rai ta ratou vai i te sabati.

11. No te pai ngaa i te sabati. Kia ngaa te pai i te sabati, ka tika kia raveia i te reira ra.

12. No te kaki kai maana a te maki i te sabati. Kia kaki te maki i te kai maana i te sabati, ka tika ia kia ta'unaia, ka akapera rai i te vaine me anau tamariki, ka tika rai kia ta'unaia te kaia i te ra sabati.

13. No te tangata maki i te sabati. Kia rokoia te tangata e te maki i te ra sabati, mei te mea e maki maata, ka tiki rai te varakau i te ra sabati.

14. No te kave tai i te sabati. Auraka te tangata e kave i te tai i te sabati, ei te maanakai ka kave ei i te tai, kare ia kai e tika kia raveia mai i te ra sabati.

15. No te tangata aerenga puapinga kore ua i te sabati. Kai aere ua te tangata i te sabati ki tetai oire ke, e kare ua e puapinga i tona aerenga i taua ra ra, ka akavaia aia, tera tana utunga e 5 dala.

16. No te umu kai maana i te au popongi sabati. E tika kia ta'unaia te au ninu kai maana i te au popongi sabati.

17. No te aronga e aere ki nga oire ako ei i te sabati. Ka akaoro rai ratou na runga i te puaroenua i te ra sabati, kai aere ratou ki te rave angaanga.

TURE XXIV.—NO TE VAINÉ PIRI KORE KI TE TANA, E TE TANE PIRI KORE KI TE VAINÉ.

Me kore raua e piri, ka akavaia raua. Tera ta raua utunga, e 5 a te tane dala e 5 a te vaine dala. Kia kore e rauka te moni, E ngaika e tipu vaie, e te tari mai, ko ta te tane ia. Tera ta te vaine e 5 te roa i te moenga e 2 te pararauare. Auraka takiri raua kia matara.

TURE XXV.—NO TE TATA INGOA O TE VAINÉ KI RUNGA IAIA, E TO TE TANE I TO TE VAINÉ.

Kia tata te vaine i te ingoa o te tane ki runga iaia, pera katoa te tane i to te vaine ingoa, i te tata anga ki runga iaia, ka akavaia aia, Tera tana utunga e 4 dala. E kia tata ua i te tata ua nei, kare ia e akavaia.

TURE XXVI.—NO TE TANE ORO PAI.

Kia oro te tane ki te pai, e rima mataiti ki te moana, ka akaipoipoia tana vaine, ki tetai tane ke.

TURE XXVII.—NO TE AO KAI.

Me tupu te angaanga nunui ki te enu nei, kareka te au akaipoipo anga, auraka te tangata e ao ua i te puaka, e te apinga e noo marie ua koe, e kia omai uaia taau, te rave ra koe, te aere ra ma te rekareka, e kare rai e omaia, auraka rai koe e ao, e tu rai e aere, kia mero koe i te ao, ka akavaia koe, e 5 aau utunga, e puaka, e apinga, e kai, e kare ia au mea e rauka, ki tukuia ki nga angaanga i akakiteia i te openga o te au utunga.

TURE XXVIII.—NO TE ORO-ENUA E TE PUARA-TORO MA TE PUAKA MAORI, KI RERE KI UTA.

Ka po tai, ka po rua, ka po toru, kare ia e kino, e kia tae ki te ngauru o te ra, na te ture ia, kare toou vaa e tuatua mai i reira; Kia pou te pa'u kai i te puaka, ka tutaki koe, e 4 tutaki, e puaka e apinga, e kare ia, ka riro naau e tanu i te pa'u kai i pou i te puaka.

TURE XXIX.—NO TE TAMARIKI AKARUKE I TE KAINGA O TE METUA.

Kia ako te metua tane i tana tamaiti i te koka ki o tetai, e kare e akarongo mai, Ka akavaia ia, e 5 te roa i te patu toka, okotai iadi e te afa i te pararauare.

TURE XXX.—NO TE TAMARIKI TAKINGA-KINO METUA.

Kia ta te tamariki i te metua tane, e te metua vaine, Ka akavaia aia, Tera te utunga, 10 te roa i te patu toka, e ka patititi e 2 marama, e kia tataraara, kua matara aia i reira.